

बनवारी ओ कृष्ण मुरारी बता कुण मारी,

बनवारी ओ कृष्ण मुरारी
बता कुण मारी पूछे
यशोदा मात रे,
ओ लाला कहो थारे

मनड़े री बात रे,
भेजो थे लाला तने
गाय चरावन रोवतड़ो
क्यू घर आयो,

किने से तू झगडो
कर लीनो माटी में
क्यू भर आयो,
कुण तने मारी

नाम बतादे मैया
जड़ पूछकारे,
कानो रोवे दरद
घणो होवे जद

मैया फेरे हाथ रे,
ओ लाला कहो
बैठयो थो मैया मैं
कदम के नीचे,

बोली गुज़रिया
बंसी बजा,
नाट गयो मैं
तो नाही बजाऊं,

छीन म्हारी बंसी
दिनी बगाड़,
आज गुज़रिया
मारी म्हणे सारी

ही हिलमिल कर,
बंसी तोड़ी कलाई
भी मरोड़ी और
मारी म्हणे लात की,

मैया कोई ना सुनी
म्हारी बात भी,
ओ लाला कहो
सुनकर के बाता

मैया कान कुंवर की,
म्हारो हिवड़ो भर आयो,
माटी झाड़ी सारे
बदन की और

हिवडे से लिपटायो,
भोलो ढालो कछु
नही जाने मेरो यो
गोपालो, गुजरी खोटी

पकडूंगीं जाके चोटी,
मारूंगी बिने लात की,
ओ लाला कोई.....
मैया रे बाता सुन

सुन कर मोहन,
मन ही मन
मुस्काने लगयो,
तारा चंद कहे

ई छलिया को,
भेद कोई ना
जान सक्यो,
ईरी माया

योही जाने,
योही वेद पखाने,
पच पच हारा
ऋषि मुनि सारा,

इ दिन और रात रे,
ओ लाला कहो

Source:

<https://www.bharattemples.com/banvari-o-krishan-murari-bta-kun-mari-puche-yas>

hoda-maat-re/



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>